



Vita de ploania y de paisc



“I te cherdì con to ennom” dij le Signur.

Tla comunité dla dlìja ven encò tut sö **Jan Kristoffer Rindler** (Porsenú). La ploania d'La Pli ti fej les miús aodanzas ai geniturs Berto y Verena: che Jan Kristoffer pói cresce tla fede, vire tla speranza y sperimenté l'amur de Chelbeldio y dla jont.



Sorvisc de volontariat tla Ciasa de Palsa

L'Unité Pastoral dla Val Badia é (aladò dl statut nù) responsabla por la pastoral tla Ciasa de Palsa, porchèl vègnel chirí porsones che se metess a disposiziun da fá de picì sorvisc che reverda le ciamp religios: sorvisc da mone, cianté tratan les mèsse, partí fora la comuniun, dí dant la corona, tigní val funziun, se la cunté y perié cun les mèdes y i berbesc, y i.i.

Ai 26 de messé da sèra vègnel fat na reuniun cun les porsones che se mèt a desposiziun por partí ite i sorvisc, aladò dles preferènzes y dles capacités de vignun y vignöna.

Chi che se mèt a disposiziun é bel perió da ti comuniché le inom al/a presidènt/a dl Consèi de Cöra de so paisc o a Annamaria Fiung (☎ 347 5277810). La Ciasa de Palsa nes reverda nos düc y dotes.

N gran dilan

L'Unité Pastoral dla Val Badia



Enformaziuns y termins

Ocio: le dotur Eduard Agreiter lascia alessèi che al é demez dai 19 ai 23 de iuli. Al ven sostitúí dla doturia Margarete Mahlknecht, ☎ 349 0667034.

La jont plü rica é chera co sa le plü da renunzié, deache ci che te n'adores nia te sta ma te tru.

Rabindranath Tagore

Döt le bun a: Anna Ellemunter Erlacher, *Bellamonte* * 13.07.1929
Franz Pedevilla * 14.07.1932
Otto Ellecosta, *Dietsenheim* * 17.07.1941
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann B

11.07.2021 - 15. domegna ia por l'ann

n. 33

La fede: anunzié mo nia sforzé a creie

📖 **Àmos 7, 12–15 | Ef 1, 3–14 | Mc 6, 7–13**

Dal Vangelo do San Merch:

Te chel tomp ⁷á Gejú cherdé i dodesc y i á mené fora dui a dui. Al ti á dé la potesté de paré fora i spiric impurs, ⁸y ti á racomané de ne se tó, ater co na maza, nia con ei sòn tru, degün pan, degüna tascia de proviant, degün scioldi tla centöna, ⁹degüna secunda ciameja y tai pîsc ma sandai. ¹⁰Y al ti á dit: Restede te che ciasa, olach'i storjeis pro, cina ch'i jeis demez da chel post. ¹¹Sc'i ne gneis endere nia tuc sö te n post, y an n'ò nia ves ascuté, spo jide ennant y scassede jö le stöp da üsc pîsc, por testimonianza cuntra d'ei.

I ponsun do: *Gejú mena fora sù discepui zonza proviant y mesi de potenza. Ensciö ôl tlarí en iade por dagnora: a degügn ne pón ti sforzé sö la fede cristiana; ala noela dal amur de Chel Bel Dio ne pón nia i fá strada con presciuns da defora o da daete. I portadús dla noela mess ester bogn da azeté zonza amareza sce la noela ne ven nia tuta sö - cinamai sce ara nen va de sù mituns o de bogn compagns. I ne desson nia avei tema: la Parora de Dio é sogü efizienta.*

I periun: *Dio onipotent, tö i stas dlungia a chi co porta la Parora de to Fi ala jont. Ince nos s'aste chirí fora por cösc. Fá ch'i gnunse testimoni credibli de töa noela co delibreia. Por Crist, nosc Signur.*

Vesco Wilhelm Egger "Sonntagsbibel"



📖 **Letöres dla 16. domegna ia por l'ann:**
ler 23, 1–6 | Ef 2, 13–18 | Mc 6, 30–34

Signor ploan é demez por na vacanza meritada; cina ai 22 de iuli n'él porchel i dis da laur degüna santa messa. En jöbia ai 15 vegnel tigní na zelebrazium dla Parora de Dio por l'ann dediché a Sant Ojep.

Edema liturgica dai 11.07. ai 18.07.2021

DOM 11. 15. domegna ia por l'ann *Benedet da Norcia (patron dl'Europa), Olga*

08:30 gran messa por dōta la ploania *oferta por la ploania*
s.m. d'aniversar por † Pasquale Winkler, Rara
s.m. por vis y †† de Sorá
s.m. de rengraziamont dles grazies y fortünes te ciampopré

15:00 funziun dal Bato de Jan Kristoffer Rindler

10 y 18 s.m. a Al Plan

Lön 12. *Hermagoras y Fortunatus, Sigisbert*

--

Ded 13. *Heinrich II. y Cunigunda, Joel, Sara, Arno*
degüna messa

Dem 14. *Camillus da Lellis, Ulrich, Roland*

--

Jöb 15. *Bonaventura, Bernhard*

→ 19:30 zelebrazium dla Parora de Dio en onú de Sant Ojep

Ven 16. *memoria de Santa Maria dal Carmel, Carmela, Carmen, Elvira*

--

Sab 17. *Sabeda de Santa Maria | Alejo, Charlotte, Hedwig*
degüna messa

18:00 s.m. prefestia a Al Plan

DOM 18. 16. domegna ia por l'ann *Arnold, Friedrich*

08:30 gran messa por dōta la ploania *oferta por la ploania*
s.m. por perié do la sanité
s.m. por †† Pire y Rosa Willeit, Sach

10 y 18 s.m. a Al Plan

ampola: por † Berta Comploi

ministronc: • **jöbia y domegna:** *Natalie y Emilie*

i recordun: Pasquale Winkler † 14.07.2017



I t'aodi

*I t'aodi edli
da podëi ciaré
tal cör dla porsona,
por capí
ci co ti druca
y ci ch'ara adora.*

*I t'aodi orëdles
co alda fora
la fortüna
y la meseria
dal ater.*

*I t'aodi na bocia
co se lascia sö
cuntra l'iniustizia,
co ne se doda nia
da consolé y da defëne
tal dër momont.*

*I t'aodi mans
da fá aicia,
mans da fá la pêsc
co ne tën nia toch
ci che t'as demassa
y co partësc.*

*I t'aodi n spiné
co te dëida jí
rodunt y sonzier
co ne se storj nia
dan la sotmisciun
y la potënza.*

*I t'aodi n cör
co sii na ciasa
por trepes porsones
y co ne se stancia nia
da scinché amur
y da pordené.*

da "Parores por vigni momënt"



Was wir vom Wasser lernen können

Ein Weiser im alten China wurde von seinen Schülern gefragt: „Du stehst nun schon so lange an diesem Fluss und schaust ins Wasser. Was siehst du denn da?“ Der Weise schwieg. Er wandte seinen Blick nicht ab von dem unablässig strömenden Wasser. Schließlich sprach er:

„Das Wasser lehrt uns, wie wir leben sollen. Wohin es fließt, bringt es Leben und teilt sich aus an alle, die seiner bedürfen: **es ist gütig und freigiebig.**

Die Unebenheiten des Geländes versteht es auszugleichen: **es ist gerecht.**

Ohne seinen Lauf zu zögern, stürzt es sich über Steilwände in die Tiefe: **es ist mutig.**

Seine Oberfläche ist glatt und ebenmäßig, aber es kann verborgene Tiefen bilden: **es ist weise.**

Felsen, die ihm im Lauf entgegenstehen, umfließt es: **es ist verträglich.**

Aber seine Kraft ist Tag und Nacht am Werk, das Hindernis zu beseitigen: **es ist ausdauernd.**

Wie viele Windungen es auch auf sich nehmen muss, niemals verliert es die Richtung zu seinem ewigen Ziel, dem Meer, aus dem Auge: **es ist zielbewusst.**

Und sooft es auch verunreinigt wird, bemüht es sich doch unablässig, wieder rein zu werden:

es hat die Kraft, sich immer wieder zu erneuern.

Das alles ist es, warum ich auf das Wasser schaue:

es lehrt mich das rechte Leben!“

Autor unbekannt